

尚

綱

堂

集

尚絅堂詩集卷三十三

陽湖 劉嗣綰 醒甫

蘆中集 壬戌

淪落江湖閒
唼冷醉迢迢
烟水一葦沿
緣蘆中人豈
非窮士乎

郭外舟次

沿堤綠不斷
鳥語接蟲聲
柔櫓自茲往
小橋無數橫
荒煙俱入畫
野樹不知名
可惜秋山好
年年是送行

曉泊鸞脰湖
憇酒樓

湖舫迢迢當
遠遊狂唼一
上酒家樓雲
山隔岸吐新
月煙水極天
搖古愁零落
稻梁悲旅鴈
蕭疎蘆荻讓
閑鷗無人

解繪流民稿晚爨稀微辨秀州

抵武林知小竹已先一日渡江有粵西之行作此寄之並寄呈劔潭丈

遲我離筵一曲歌故人草草已關河湖橋小立情都盡郵壁重尋夢易過遠送別餘山色好古傷心是水聲多清秋儘有題詩處并作猿啼可奈何

四十蹉跎客鬢蒼因君復此趣唸場生原有恨偏同世歸已無聊況異鄉被酒一身成瘦落傷春百態總頽唐那堪兩地離魂照鄰笛聲聲起夕陽

一官萬里瘴雲深合有高歌動桂林遶海文章風外淚斜川家世卷中心故人絕徼方籌筆老我王門欲碎琴早晚

寄書煩嶺雁風波容易嘆浮沉

西湖小汎得斷句示同人

西泠烟水隔三生半晌扁舟又目成
盡出湖光不分曉外湖飛雨裊湖晴

絲絲疎柳挂湖干廿四堆前水色寒
莫問西陵松柏路只留啼眼與人看

紅殺荷塘鬧雨天美人一路喚田田
滿舫載得跳珠去不見東坡七百年

山上芭蕉葉葉風山頭絃索在秋空
分明寫出清淮景影

落丁家水閣中

是日小飲丁家山

佛石巖示守一上人

洞山剖其腹置屋若地府中有世外僧開山作山祖當頭
巨靈擘出手女媧補丁丁聲不斷齊落五丁斧我來跨山
脊日影未亭午升巔方愁猿踞穴忽恐虎沿緣線路通敢
仰不敢俯都忘山面目但見地肺腑回看石上佛一佛一
太古莊嚴非鑄金清淨已離土山僧勿終怠平坦出險阻
他時湧香臺蓮花天半吐

懋紫雲洞

石路冷如此片雲成洞天樹身都化佛泉語半通僊枕簟
清於水衣裳濕是煙坐看苔蘚古題壁記何年
日色不到處豁然開石扉峯峯紫雲出都作美人飛蕉葉
結禪坐楊枝飄客衣清涼真上界澹思欲忘歸

八月十六夜琴語軒夜坐示滿舫仲巖昆仲

虛堂瘦竹棲寒煙幽人抱素愁不眠秋心一寸墮牕隙青
蟲夜吐絲纏綿空中泠泠彈七絃細若古澗鳴春泉商音
忽入變斐楚桐葉驚風空倒顛闌然月來窺短簷方輝落
几魄正圓飄飄白袷下階立有似鷺絲寒兩肩西湖萬家
砧杵連上有孤雲相迴旋此時誰賦擣衣曲此夕空裁團
扇篇美人迢迢碧城前欲往河漢無由緣高寒如此不上
訴便恐凍合瑤樓天君家兄弟吾忘年茲語不悲當亦憐
夜烏驚火啼不止東鄰絲竹方開筵

遊理安寺偕米樓

青鞋蹋遍碩人阿雲磬聲中住剎那到寺不嫌秋水闌入

山方覺夕陽多蕭閑圖畫開金碧破碎文章間薜蘿留得
一天涼夢在自攜松塵掃陂陀

煙霞領歸途作

不入暮山去那知秋可憐泉聲涼出世竹色綠成天僧寺
無停梵樵家有斷煙此中堪結屋茶事足豐年

牟尼篇爲施丈今瘦賦

牟尼百八珠光圓乃是佛法所貫穿先生事佛心卽佛爲
我指說牟尼緣云是南海來法師號石蓮日誦金剛經離
絕諸言詮溪聲瀾翻都幻廣長舌雲影解脫別放光明拳
球中現出千佛相楊枝水滴同涓涓蓮臺持此作清供入
手有似拈花然一繩覺路著不得得先生似傳衣傳先生

昔年少智識人天全杵飛闢大地棒喝開諸天普十方界
神廻旋佛力到處無拘纏只今歸故林不佛成癯仙千山
千水都已隔彼岸一瓶一鉢猶足棲吾廬不緇貝葉書不
講龍樹禪以珠印心如以月印川妙義一一珠藏淵定中
之定元中元石邊能使半偈了塵外便得三乘捐他時樂
天去海上此球常伴龕燈懸

寄題蔣邨草堂

苦憶山中松桂林從君讀畫發高吟門前碧水洗吾眼嶺
上白雲盟此心風雨忽來欺老屋海天一往感孤棹分明
黃葉村邊路費我他年策杖尋

葛林園飲桂花下

角帶山言卷之三
秋風吹雨湖上山中叢桂開欲闌畫船十日九置酒不
得山人同一攀朝來訪秋葛仙嶺主人招仙客招隱天公
特地放斜陽幻出滿園金粟影花香入酒酒更嬌花氣著
人人欲飄青松作蓋敞瑤席白石當樓橫玉簫故園一別
紅塵道山館留人夢顛倒丹心綠意誰復知脫髮如秋秋
亦老勸君聊復盡此盃明月飛下孤山來門前一笑羽衣
過鶴影修修寒古苔

挹青樓過郭頻伽不值

半响湖山正晚晴濕痕飛翠不分明重尋白社猶初地一
障紅雲似隔生煙際櫓聲空誤鴈寺門柳色不勝鶯青峯
挹盡無人共只有闌干管送迎

同人偕遊舒氏園亭十六韻

地蟠高秋屐人聯舊雨襟清遊供跌宕曼賞足登臨繞郭
千波曲當門一碧森依樓攀樹色取徑出花陰檻亞防魚
上廊廻耐蝶尋暝行煙了了涼坐綠悄悄讀畫空堂遠留
香小閣深葉聲通響屨蘭語墮瑤簪獨有蕭騷客偏多激
楚音邱墟悲梓澤身世感苔岑素節商飈起華年鏡雪侵
露零叢桂約風碎敗荷心好鳥憐圓夢幽蟬厭苦吟亭臺
都罷酒山水別張栞看竹無賓主停雲自古今題詩還遇
石惆悵此園林

偕陶鳧薌懃萬松山房

日影卓峯表松根行幾巡煙容秋媚客草氣午驕人亂石

空文字靈山見性真緬懷蒲褐叟禪榻已疑塵

舊爲述菴先生講席

與史赤厓話舊卽題其秋樹讀書樓卷

聽老湖天樹樹秋故山仍此卷中遊廿年風雪侵雙鬢終
古雲煙貯一樓入夢羽書猶絕徼驚心文采各荒邱客牕
添我飄零感畫筆蒼茫憶永州

圖爲王蓬心太守所作

錢塘趙梅史天性跌宕有古狂士風數往還未得見
也山中獨行忽忽不樂作此寄之

秋山獨行哭不止古木連雲元如死眼中誰是傷心人我
所思兮趙梅史人言梅史梅精魂孤山相對雙閉門飄蕭
寒影抱愁讀日日書聲風樹根前宵月白坐成憶我夢君
魂不相值昨宵過訪君出遊我吟君醉將何求君思我兮

遠尺咫我思君兮亦如此冢中冥漠會有人世外希夷孰
如子天涯離合苦不常況復哀樂情難當昨日華屋空金
甌張朝來復悼瑯琊王蘭至人鴻毛自輕重達士鼠肝
誰短長識君未必君能狂不如高歌行北邙歌成輟哭忽
大笑健鵬翻空學鵬叫

棲霞嶺曉起留別米樓

將殘未殘月半菴欲滅不滅燈一龕老僧掃地喚客起客
夢尙絳高峰南峰凹泠泠出清磬禪心客心兩人定笑攜
鋏杖挂門前松翠蕭森坐相映此時城郭浮輕煙淡白欲
斷空青連天光徘徊弄湖色照見水禽飛格格水禽宿一
水山禽棲一山山禽語水禽風波幾時還風波迢迢不曾

住明日吳帆從此去客興將乘北固風離心已挂西興樹
萬峯菴荅小顛上人

竹徑轉幽隋入雲猶未知門前大癡畫壁上小顛詩看奕
枯干著停筇瘦一枝南屏吾有舊塢影表相思

重陽前一日獨登吳山

萬樹風聲雜水聲獨攜吟屐上層城寺邊三徑但秋綠天
外一峯猶晚晴投老湖山歸淨業置身雲海悟浮生無人
共灑登臨淚倚遍霜楓醉不成

飲丁仙閣

叢桂團香釀花露酒氣薰衣不知暮尋秋更上三層樓倚
樹俄成五里霧空中佛相金粟天卻從下界呼丁仙玲瓏

瘦石韻泉語一葉芭蕉彈一絃行行刻字琅玕翠我後仙
人幾千載虹邊且判雨陰晴鶴外安知風向背歸途不惜
醉如泥有客相逢落帽低懸知明日登高眼愁在山亭夕
照西

歸舟寄青士滿舲仲巖昆仲

客衣挽斷舟子催日落未落帆徘徊風吹帆開逐橋轉帆
影過橋橋漸遠橋頭人語聽不明橋下水波嗚咽生一波
一曲古離別海上成連無此聲飛來一片南雲黑淚雨此
時晴不得四更月出天蒼茫鬢離亭見顏色殘尊入手
空復空明日尊開誰與同一鐙兀兀擁衾坐夢落君家湖
上篷

問訊胥門柳

問訊胥門柳秋來瘦幾絲生涯殘月在心事斷風知病肺
初禁酒傷神欲廢詩蘆邊歸夢熟煙水亦相思

過吳竹虛寓樓

小樓風葉不知層獨背殘秋日夕登老去江湖稀酒伴愁
來雲水著詩僧示所著苦茶僧二十五首詩閒牕過雨因開硯病眼方
花欲禁燈畫稿殷勤還借讀乞君添我策枯藤

偕南雅鳧薌竹友米樓集琴南齋

古懽無近懷遠若千里招開軒况背郭耿茲風月宵疎槐
落京吹殘菊明露條幽陰答草蟲相與破寂寥芳尊既申
讌意欲永暮朝新知語難竟疇約夢易遙不知離憂積坐

覺客感消燭短夜亦深薄寒生麗譙

湖晚

湖天寒向夜盡眼幾危闌風月迴帆易星河到岸難何人
憐袖薄獨客怨衾單料得閒招手沙鷗立遠灘

十月二十三日同子常炳季于丕宛鄰傳永申耆祁
生劭聞卿珊申受伯恬曾容脊伯子述晉卿孝逸夜
集惟維齋

虛堂若風雨寒燭不肯輝豪筵氣蕭颯坐此將別離別離
豈足惜日昨始遄歸參商正寥落形影忽因依蹤跡誠所
親鬢髮顧生疑相看互慰藉背面各沾衣酒中出肺腑夙
昔良厚期古歡緬猶耿新獲矜己希亦經久離合安知昨

是非所憂不在遠十步成路歧毋爲窮愁迫遂使身心違
出門千悵望入室一噓歎今宵浮塵積明日驚蓬飛

金山下守風作

蘆花搖白水搖綠魚雲織帆低八幅廟門古樹露風吹兩
兩金鷗過江宿煙鐘到岸無一聲河影欲直長檣橫墻鈴
忽動荅人語佛火如星天半明

夜泊瓜洲

孤帆帶星飛影落瓜洲宿沙痕寒吐白野色暝圓綠南朝
此征戍戰骨高並屋荒荒佛狸祠狐兔尙追逐神燈秋未
出鬼語夜相續不爲蘆中吟但記塞下曲

送秋詩和蓮裳原韻

秋至悲無極，秋歸感倍深。江湖方送別，風雨忽寒心。
鶴聲徒壯，哀蟬思不禁。門庭渾未改，滅盡碧梧陰。
樹竟寒雅散，花還瘦蝶棲。依遲心最苦，搖落命原齊。
野吹連山合，樓陰傍水低。幾家猶搗練，魂夢亦凄凄。
池館追清宴，笙歌憶故叢。菊殘人影外，楓老淚痕中。
掃徑重茵散，開軒小簾空。無情是簾幙，依舊卷西風。
狂風吹更急，野燒待如何。茆屋孤生在，危樓百感多。
霜天休攬鏡，星漢已停梭。閒卻樵夫手，空林惜斧柯。

寒夜後園踏月和手山

寒空霜月太無情，小叩園扉鶴影橫。
徑轉古苔生遠思，天留高樹寫商聲。
閑中池館經秋別，夢裏關山誤曉行。
隨意

醉吟君莫笑年來歌哭不分明

答蓮裳喜笑初邪生至

悲歡無限憶清遊并作風前燭淚流
病樹辭秋號曠野寒雲向晚戀高樓
年光老大都堪笑酒債尋常不易酬
後夜送君知更苦蘆花吹雪滿扁舟

盆松

長松巖壑姿蜿蜒蟠地軸東身就盆盎
遠勢忽近蓄託根雖有幸垂蔭苦未足
但能逃剪伐終得勵盤錯孤直乃寸心
所遭任屈曲嗟嗟歲寒質甯羨厥土沃
鄙隼非所期荒榛滿山麓

瓶花

孤花破岑寂掩映辭林皋瓶水足清供遂分雨露膏先期
慰零落攀折良已勞枝低豈不惜矜此標格高亦知根蒂
空生意猶動搖所恐一勺水復與堅冰遭垂簾護餘芳風
日方蕭騷

讀謝皋羽晞髮集

沙社何天地西臺自古今遺文見晞髮曠代一沾襟慘澹
痕銷墨蕭騷字戛金燕歌分變徵楚些嗣哀音鬼唱蒼涼
極神絃拉雜禁才真昌谷亞痛比首陽深正氣冲霄上孤
魂到海陰江山朱鳥味風雨黑龍吟幕府隨煙散神州竟
陸沉流離三寸硯破碎一囊琴竹石猶傳響冬青未死心
夜牕愁擁鼻霜月下空林

戲題王晉卿觀榜圖

傳徧泥金一幅箋
春來日日馬蹄顛
圖中幾個揶揄手
看足人間七百年
紛紛觸熱上長安
濕笑乾啼儘意看
終被寫圖人一哭
可憐羅隱與方干

送蓮裳歸臨川

記折春明柳青青
感故袍可憐時
晚晚都覺鬢蕭
騷殘燭依人盡
寒星背屋高
留君江館夕
枕上已風濤
各抱窮交感
殘年起歎嗟
有書兒廢讀
無米母持家
塵海蹤都徧
名山願枉賒
相思心一寸
風雪此天涯
身世都歧路
風光判別筵
客懷如我晚
歸計讓君先
野燒

連長夜邊烽入去年一聲橫竹裂愁絕倚江天

荅祁生見贈韻

萬瓦霜花入夜明一繩南鴈過江聲話當離索聽來好書
爲窮愁著未成殘燭影搖陰客倦破牕風逼酒人生陸郎
可有斑騅在待爾衝寒策蹇行

久不得家書漫感

鴈影橫天望不真寒雲如夢劇傷神東頭有屋長懷弟北
郭無田始累親旅况并慚磨鏡客浮蹤空誤寄衣人隔江
盼斷傳書驛手折梅花待早春

論交荅祁生

結交交不難全交交不易古人交有功出門得深契嵇呂

非世情張雷特矜氣族類感或殊質性偏卽弊和平恃源
往汎愛各有濟適中定從違太激出趨避毀物求吾全所
得不償棄一益招百損毋乃亂其例譬如匠入林尋尺視
天地因材致攻錯樗散亦獲利人心本太和所貴互調劑
相持失厥平往往取螯戾朋黨君子成勢及小人比成敗
置後圖異同激初議詐或秦優泣怒必趙女冒禍變寢萬
端所積在微細丈夫志四方誰能卻交際徇世交固濫憤
世交亦蔽人生重倫常缺一五者廢三復谷風篇余懷感
興替

復答祁生論詩

讀詩胸無詩慧照乃不隔作詩胸有詩心聲自區畫情文

互激發烟墨始驅役遙遙聯古歡落落創今獲詩品二十
四意到出標格如何守家術坐使康莊塞華嵩壤積九河
海川納百披沙終得金攻玉或賴石但須具鑪錘安用枉
繩尺千變入孤行一真祛衆惑近代多濫觴往往乖典則
矯之或失當質勝復偏側詩城無雄師樹幟各衝突尊時
厭郊島避俗陋元白家家互相讎遂失詩主客以茲中人
心貽害致堅僻比興無近辭風騷有專責踈氣苟未平繁
音亦徒迫形神貴交融性道期大適誰能懲膏肓所恃見
肝膈答詩請質君子將退而默

脈脉

脈脈閒愁繞曲廊十分寒色上衣裳片雲如鶴宿松頂斜

日有人開竹房詩到耐尋疑出世畫經重讀似還鄉黃梅
未必春風管只分園亭作晚香

管仲姬畫蘇若蘭像

後小楷書
迴文詩

璇璣圖往而復不繡弓衣詩但織迴文軸迴文字字連環
尋管姬妙手蘇娘心釵光釧影一飛動髣髴蘭氣飄羅襟
容顏千載難消得鏡裏相思卷中識鷗波亭外淚盈盈都
作人間錦江色零落王孫不自持迴文心苦阿誰知披圖
中有千秋恨鄭重連波悔過時

袁節母竹柏樓居圖爲又愷作

袁家兒抱圖哭竹柏樓風滿屋竹有節柏有心母課兒樓
之陰兒讀書母勤績讀輟聲聞太息兒倦讀母則思兒讀

成母不知母有兒兒無母母已矣兒疾首昔兒讀不下樓
今饑驅背母遊昔兒讀書充棟今賣書母心慟母勿慟當
諒之哭抱圖袁家兒

十月初過吳門重晤胡眉峯值有西河之慟余勸慰
之爲止信宿至題衿館見諸君集中有聞詩人胡眉
峰落髮入山詩余語諸君方知爲誤傳也因成此章

並寄眉峯

詩僧名字卷中尊驚定翻然慰客魂文字尚留非淨業衣
裳經別但啼痕無家已得空諸果有髮誰能懺六根誤我
夜來夢水夢寒山一路爲敲門

病鶴

晨興輒飼鶴中有一鶴隨一鶴銜哀鳴羣鶴爲之悲鶴身
昂藏忍饑立羈獨低頭羽毛折牆陰十步九裴徊卻戀斜
陽影凄絕高高雲路方苦寒羽族未得枝頭安夜來忽與
鶴同夢化爲鸞鳳棲琅玕鶴聞此語病當起但減鶴食鶴
亦喜君不見空倉無粟屋無米鳥雀荒荒野田裏

與方子雲話舊感贈

一卷方千廿載前詩人鬢髮雪垂肩
友朋未忘登樓客
妻子翻疑拔宅仙
風雨辭家書作伴
江湖卧病酒爲年
弁山墓草倉山樹淚灑秋原迸湧泉

望雪

彤陰漠漠天低垂
星旗倒卷霜風吹
築壇祈雪雪未降
官

長步走民趨隨宰屠空設市禁令巫禱但乞神扶持雨金
瑞或百靈作嘉玉蔭豈羣黎私農家望歲先望雪靳此尺
寸天何爲生機方待溫谷傳真宰合訴瓊樓知江淮今年
苦陽亢甘霖久涸成愆期雨師未肯効屏翳河伯翻遣迎
支祁得毋彼蒼過仁愛以水救旱偏災遺民饑民溺兩無
補坐使物力東南疲估船無米騰價貴官廩有粟稽圖遲
拯荒縱遂棠邑請採弊莫上春陵詩秋冬今告農務隙宵
盱正厘皇躬咨咄哉滕六不受令約束當有風霆馳天
心上薄蟄龍轉地虬下動遺蝗虧花飛但願兆六出麥秀
庶可占雙歧家無寸田亦自足比鄰賽社同熙熙旋銷兵
氣廣莫野便播春澤陽和時朝來梁園請開宴莫但誇賦

瑞瑤辭

客館有懷浣霞和邢生韻

樓陰只爲一人涼
薊北雲停路渺茫
客裏有魂驚斷竹
閒中無夢宿空桑
田園興豈忘彭澤
風雨書誰報汝陽
自別幔亭仙樂後
每聞絲管輒停觴

江都詩人朱老匏墓

老匏康熙間人工詩
貧甚無家室
時有僧重老匏
投以千金置草具
下歿後發草得之
其高致如此
墓在上方寺東北
歲久毀墓碣作橋
石近有人經其地
購巨石易之
越日復從土人詢
得其墓所在以酒肴設祭
余爲賦詩

冷落詩魂近百年石橋西畔暮寒煙樵歸不記殘碑碣鬼
唱重逢舊墓田死後瓊花天亦老遺來金穴佛應憐楓根
薄祭無他物還向先生借斷編

東雅

爾雅何蕭寥萬木一灰色樓陰森古青野氣恐深黑低拳
蝟毛縮僵立鷗吻側雲盤驚髻濃雪擁笑衣仄寒疑入枯
畫昏欲點殘墨風聲歸時號日影去路織樓閣已模糊關
城况淒惻莫上呼鷹臺荒原看不得

答賓谷丈海州見寄

荒策誰陳汲黯書偏城斗大海天孤幾村臘鼓方高下萬
竈晨炊定有無關塞傳烽頻入夢樓臺欲雪半臨湖登高

灑盡寒空淚零落高陽舊酒徒

寒燈

客鐙苦依人寒色夜來顯旋空繁艷想欲近模糊眼堂虛
向雪深壁暗窺春淺留照舊時書餘輝莫輕掩

寒衾

夜衾寒不已風響半牀葉香消火罷偎絮冷雲猶貼抱知
秋易遠擁覺晨難接舊夢壓重重孤舟浪千疊

峩眉積雪硯山爲賓谷丈賦

蜀岡夜捲寒江雪天半峩眉忽飛入八千萬仞青盤盤
向齋頭不盈尺石痕畫破苔蒼然上有古雪相廻旋墨雲
如雅著不得洞口噴薄真珠泉先生宦遊不到蜀天許移

山地能縮一牕虛白坐題詩字水流來作寒綠我亦清陰
倚酒酣朝尋浮玉下江南仇池莫賦東坡石良岳還尋米
老菴

雪後汎舟郭外作

霽雪湖天破暝愁半緣漂泊半清遊重來不記留髡地獨
往真成訪戴舟遠夢如煙消極浦鄉心與月上高樓閑中
況味誰商略醉過殘冬病過秋

露果十六韻

果產興化有草可尺許葉上露水入土成果微有
根鬚果熟卽脫瘠處所產尤繁可蒸食味甘微苦
土人稱爲露果

小草名誰補荒疏種別成不同風果墜聊借露華生沆瀣
千梢滴胚胎一氣清地偏宜瘠瘦天許結菁英芥蒂前身
斷根鬚脫手輕纍纍沙磔貫采采筐盈味識甘中苦材
誇落後榮煮來疑白石鋤得抵黃精海國經秋潦山田廢
早畊薑畦連水漫菜隴入雲橫命有長鑱託家攜短鍤行
消寒園叟况饋歲故人情午飯寧偕裏辛盤好共盛填胸
分塊壘入口勝飴餠舊解金莖渴新調玉糝羹晝壘酬苦
志煨芋薄浮名火幻餐霞想湯愁沃雪聲充飢還賴爾米
價貴吳杭

卻友人汎湖之招

雪鴻苦恨爪分明幾許清遊傍子城樓閣風高愁小別湖

天夢遠怕重行敢將花柳憐憔悴猶有桑麻待長成但得
寒江都化酒春來飽聽棹歌聲

京江曉行車中有作

一水凍江郭驅車逐塵囂興丁戒晨裝路出城之壕雪色
射眸子百里分纖毫羣動茲尙息樹杪風騷騷白烟十萬
戶與夢相低高此中皆逆旅俾我心徒忉回顧僕夫瘁敢
怨勞人勞

江北歲苦旱近被飛蝗辜及茲蔭年豐四野瑤英敷農家
一寸土愛若肌與膚但祈天心渥弗患地脉枯有似渴飲
泉未飲氣已蘇望歲期後獲懷新勗先圖婦子各喜色入
門理耰鋤願言歌豳風朋酒同歡呼

行行出遠郊流丐迎路旁攀轅苦哀訴童僕驚倉皇嗟我
亦饑驅乞食殊俛俛相逢致好語問爾來何方爾手無寸
兵爾身無斗糧先疇不能服謂爾非善良安得賢令尹荒
策陳廟堂朝進鄭俠圖莫發汲黯倉流丐感且泣願當歸
故鄉

門前卽鄉路相遇皆鄉人殷勤下車揖蹤蹟多所親連年
秦楚蜀轉戰方苦辛音書不得達投足成荆榛生爲窮邊
卒死作塞下塵何時息烽火安此畊鑿民秦越敢異視萬
里猶比鄰握手且茲別共樂枌榆貧

尚絅堂詩集卷三十四

陽湖 劉嗣綰 醇甫

竹西集上

癸亥

是年賓谷曾都轉招寓邗上之題襟館琴尊繁會歌
吹迭興附以吳門及往來里中諸作名之竹西概所
歷也

聞川楚捷音志喜

羽檄傳中野 饒歌應上春 兵威真有赫 睿算總如神 雨
洗千山甲 風清萬竈塵 論功防濫賞 幾輩畫麒麟
塞上傳烽火 雲中轉粟勞 黃金如土賤 白骨與山高 馬盡
窮邊死 猿都絕壁號 禮殤須國典 鬼哭徧蓬蒿

盜靖萑苻肅兵還草木知網原三面設 詔已八紘馳滋
蔓非他族盤根及此時瘡痍方待補何計慰 皇慈
地氣傷金鼓天心重井田十年生聚急一策治安先飲蜡
邨中酒行春陌上鞭書生未投筆爲盼凱歌旋

山寺梅信尙早留詩壁間

尋梅誤我倚闌干手瀾泉香當晚餐臨別客愁分暝色未
開花格忍春寒十年風雨無書到一嶺雲山入夢看孤負
扁舟尋夙約夜來清夢落銅官

時友人約遊
陽羨不果

上元前一夕踢月過夢初齋卽簡

春城厭煩囂燈夕廢絲管願言散步暇及此清遊緩素月
積廣庭華雲駐深館夜色何參差年光正流轉落生古

懷惜惜結芳欸開西方遇新讀盡已歷遠詩心入幽峭琴
旨出閒婉塵念與子刪蕭襟快余展不知愁緒長祇苦歎
惊短

上元夕偕賓谷丈汎舟石湖登天鏡閣

石湖渾似鏡中過湖上風光漸綠波卽鼓不圓煙月冷寺
燈先落水風多原知勝地宜畊讀且放新年入嘯歌淨業
合從居士證楞伽清梵夜如何

寒山

盤輿無十里松頂一千盤石色雪猶古泉聲山與寒寺扉
留樹鎖樵路入雲寬領畧清遊趣歐蘇是長官

法螺寺

法螺翠如螺山勢相縈紆雲房互窈窕風引泠然虛人言
春水生澗若通河渠迢迢曲闌干飛出紅鯉魚中有素書
尺能達仙人居茲來水方涸枯死干芙蓉行藥但成逕誅
茹豈能廬得毋地藏竭珠玉傾無餘已失智者智空誚愚
公愚山靈忽騰笑俗士當廻車

白雲泉

泉脉入雲雲不移泉脚出雲雲忽飛濛濛一白濕萬古點
滴散作千珠璣我來看山足已疲翠微橫空飄客衣上中
下界抱雲臥是日自下自雲惟有泉聲涼到肌是時日午烟
容霏天開茶竈空因依仙之人兮壁猶影地有茶竈仙恨
不驂鸞追玉妃山中不生蘚與薇有花苦瘦藥苦肥清冷

一碗沁冰雪飲此便欲忘朝飢在山出山誰是非清耶濁
耶知者希茲泉可留留不得山僧一笑開雲扉

憇靈巖頂

百八入雲鐘靈巖第一峯遙看洞庭上七十二芙蓉我向
碑陰立長吟倚古松翠華曾幸處縹緲鼎湖龍

雪後舟興

殘雪墮松頂欵如飛白鷗吟情入煙艇野興落滄洲亂火
投漁市孤煙起戍樓湖千重襍被惆悵是清遊

風雪不得汎西湖

湖天三日住風雪廢登臨遠水相思色孤山獨立心窺春
嫌醉淺破暝覺愁深後夜扁舟夢荒寒不可尋

寄閬峯漢中

冰車鐵馬夢三秦
思子勞勞萬里身
一秩近聞邀雨露
全家猶自望烽塵
黃巾西竄應無地
皂帽東歸已有人
莫忘弓衣寄鄉國
梅花繡徧隴頭春

簡李味莊觀察上洋時將報最入都卽以贈別

客舍歌三疊
官齋燭幾行
著書齋祭酒

謂穀人協律漢中

郎

時演廉山所著劇

道在休辭拙
時艱未易狂
多公言有味
商略

到畊桑

奏凱書方入
籌邊筆未投
側聞羣盜息
猶繫九重憂
圖

版求荒政
輶軒賴遠猷
東南民力敝

天語倘諮諏

春分日抵家

煙亭水驛落帆燈歸叩柴扉鶴不應我中春愁如中酒東
風日日與曹騰
簾外朝來雪影微春寒未換木棉衣風光纔半已狼籍兩
樹埜桃相對飛

雨中汎舟清溪過薛氏園憇梨花下

園扉逐溪開取逕入籬隙主人荷鋤至香雨低一笠水邊
梅數株幹老積古鏤疎枝尙繁英餘艷已成滴芳華耿昔
眷清景緬新歷爲樂無後時尊空坐成惜

伴雲書屋與唐石舟話舊

章江門外水沄沄曾送離情入暮雲明月又成千里共綠
楊空待兩家分刺船獨往今愁我懸榻相思更夢君尊酒

乍開餘涕淚故人多半話秋墳

江程曉行

桃花不可飯忍飢空曉行邨落固已稀炊烟况未生卽此
悟羣動安能屏紛營牛背者誰子一笛初陽橫
東風寵煙柳散此千黃金攀折豈敢惜所恐傷春心遊絲
天際來端緒不可尋蕭然感身世俯視江流深

上巳日湖上修禊作

湖波無世情向我忽流轉一觴飛日暮幽興不知遠主人
旣絃酌茲地况池館濕翠生宿陰遊絲逗輕暖風光引岸
勝草影侵人短桑明當路鳩花隱隔邨大破暝霞欲入餘
春水爲歎亦知野趣長何不歸舟緩

春陰詞

湖氣釀春春不流
柳絲搖夢低汀洲
東風衣袖卷烟霧
十里畫船如畫樓
酒旗濛濛濕輕暝
屋角梨雲白成影
人間還是養花天
滿地花魂招不醒
誰家簾閣春寒隔
闌干吹上相思色
鏡裏分明墮晚愁
盤雅入手昏於墨

石槩屬題其亡姬小像

點勘風花別愴神
圖中只擬喚真真
藥烟斷後爐烟起
消得荀郎瘦一春

雨後汎湖是日春盡

重向湖亭敞一尊
餞春天氣太寒溫
高樓貯得都愁色
遠路銷來是別魂
流水不知花出世
東風空約柳當門
清遊

好處無人畫江北江南雨易昏

寄萬廉山時令丹徒

漢代重賢良循吏此其選龔黃無異術馭煩道在簡治體
日以卑趨競遂不免大吏唯諾親小民呼籲遠一身但俯
仰安望風俗轉君非百里才經術裕舒卷奚當恤勞瘁要
恃積誠歟所恐操太急其失等怠緩一邑慎勿輕遐聲播
絃管

讀律與讀書源流貴條暢平心斯得中取法必自上茲邑
况劇要奸摘各殊狀臨民豈無術積敝久成障豁達今所
難精詳古尤尙剛柔能自克寬猛乃如量吏議無萬全民
情有一當哀矜守初志功可補君相解牛期通神馭馬戒

用壯致書達區區余言倘其諒

散步過田家

野趣偶然適到門烟水涼麥波千隴碧梅漲一陂黃過客
光陰薄爲農氣味長吾家餘舊業投贈愧柴桑

停琴篇爲汪飲泉悼亡作

卽調綠綺琴妾賦白頭吟琴邊吟忽輟一夜琴絃絕絃絃
飛入離鴻哀琴聲死後琴心灰將琴掛壁停商館中有春
風彈不轉風來蛛網尙纏綿吹落琴絲長更短琴絲能短
不能長涼月紛紛下石牀勸君莫作終宵立簾外孤桐雨
應泣

煮蒙頂茶

新茶還置驛遠自蜀中來片比嶺雲薄色從江淥回山家
誰賜火戰地此驚雷合有清冷味煩襟滌不開

題襟館品茶寶谷丈出示長句因投此章

先生品詩兼品茶清泉漱齒生蓮花先生品茶復品石几
硯煙浮洞天碧我生茶癖人不知嗜茶如嗜先生詩聽風
細入東野竅滴水直沁東坡脾茶經在手不成讀要喚桐
君入詩錄石鼎搜吟誰最工郭生厚自有彭亨腹座中差
喜無蜀人我譏蒙頂茶弗嗔又苦客無越與閩龍井建谿
皆絕倫吳儂之居乃陽羨金子山岬偏誇碧螺片同有春風
識故山此中那設低昂見先生聞言倘憶鄉先生十年居
蜀岡買茶估客盡歸去江上水天如此長茶聲欲歇我思

睡不願茶醒願茶醉一夢冷然陸子泉竹爐盡日生松吹

晚筇

竹徑非前日櫻厨尙此時春風爭約束晚節太參差鄉味
羊腔記年光燕尾知禪心今悟透玉版儘相思

新萍

盡眼非春草傷心爲柳花浮青連客舫粼綠到漁家池館
無多地江天有斷槎曲闌愁照影依約舊生涯

魚苗

澌澌野塘活雨餘風色新微茫秧刺水淡薄翠生鱗白小
尋常價清波尺寸春釣竿知幾許辛苦種魚人

吳竹虛歸里越旬訃至

一別春江不繫船，早知握手了無緣。
煙花已斷三生夢，詩畫長留萬古禪。
客裏風波懷小海，門前水竹冷斜川。
年年傷逝嘉禾道，極目湖樓最惘然。
前年悼吳澹川

梅陰

畫出江南夢，梅天最斷魂。
空亭餘綠意，舊雨近黃昏。
墊鶴返無路，翠禽閒向門。
孤山山下路，多分沒苔痕。

京口遇蓮裳卽送其渡江

一別殘年雪，相思客館春。
長江門外路，短燭眼中人。
米貴吳船價，裝輕越嶠塵。
驚看各顚顙，無語亦含辛。
作客晨昏賤，謀生歲月非。
敢言妻子累，方畏友朋譏。
亂草侵愁入，狂花卷夢飛。
朝來揚子渡，珍重浣征衣。

看劍篇

劍爲張生夢初物文鏤雙鳳云女將所佩往年得之蜀中者

張雷不生雙劍沒劍外飛來三尺雪身纏綵鳳光陸離
得鵝膏灑鵝血霜花夜白寒差差凜如太阿不敢持一燈
影壁動秋水破屋倒走千蛟螭劍不能言向空嘯回首沙
場忽憑弔曾隨娘子入孤軍窄袖弓鞋倚年少桃花馬上
梨花鎗一劍掣電星無光五千健兒勢辟易八百媳婦神
飛揚妖狐陣陷旄頭折此劍飄零久銷鐵張生萬里一空
囊彈缺高歌竟相識男兒肝胆誰與同雌亭骭髀吹雄風
歸來笑當錯刀贈美人意態愁長虹粧臺攬罷屈成鏡照

見生前幾人命同心枉自集鵷鸞異類誰能朝梟獍干將
莫耶不可呼女中那得此丈夫嗟嗟劍氣弗使孤世間恩
怨無時無

江邨訪友

野服蕭然一布衣閒中且自掩山扉
鴈呼淺草秋還下鶴守空林老不飛
黃獨有緣身世足青松無恙鬢毛非
夜來好覓先生睡浪打門前舊釣磯

尚絅堂詩集卷三十五

陽湖 劉嗣綰 醇甫

竹西集下 癸亥

楊忠愍公名印二十二韻爲顏衡齋明府作

三字椒山印長懸日月看孤臣餘諫藁片石卽忠肝綵筆

髭年授銅儀壯歲觀鴻詞親識李樂製雅師韓俱用本詠史

千秋在論文隻眼難精思同雪映妙手異沙搏廟幄權爭

竊邊庭議未安盜名希翰墨流毒殉衣冠馬市從騰說龍

沙遽謫官九遷終獄底十罪更朝端丹簡書奚盡黃麻草

不刊被誣真路犬銜恨甚仇鸞笑去看枷鎖椒山詩語驚來到

牘竿家書遺惻愴國事劇辛酸代死妻留疏銘忠客蓋棺

丹忱如許照碧血幾時乾鐵鑄悲成錯金甌訝已殘骨憐
當日碎腸認此中盤蜩蚪痕都蝕蜉蝣膽尙寒行間誰刻
畫稜角太嶮忼怨魄填精衛貞心泣比干冰山餘舊錄檢
點可能完

曉過尺五樓獨坐有作

露華飛入鏡中巒鎖斷樓陰坐曉寒樹有秋心蟲瑣碎草
無芳意蝶闌珊獨行路爲尋春記遠望天真入夢看還是
年時箏笛耳水雲流恨滿湖干

湘靈鼓瑟圖

江流曲折如三巴數峯青斷無人家若有人兮乘湘橈湘
夫人耶湘君耶芙蓉笑折凌波詠欲出天外爲朝霞九疑

高高雙髻了惜哉不來萼綠華手拖八幅湘裙紗飄烟抱
月結想賒瑟五十絃正不斜欲鼓未鼓意思如是時江空
寂不譁白魚人立吹浪花波底跳出金蝦蟆鼓聲隱隱靈
鼉搗上叩天門驚女媧守闕謁者走夜叉仙之人兮紛如
麻三三五五垂髻娃一聲一掩水一涯靈兮輟瑟同咨嗟
江頭有客方懷沙漁舟慎勿煙中擎斑竹埽天啼曙雅
賓谷丈招同人宴集高詠樓並送穀人先生赴華亭

恒齋還興化

清尊豈惜百回酬湖上風光悵去留主是暫時何況客歡
無長夜不如愁蟬聲隔葉疑仙樂螢火投林悞冶遊悽絕
荷亭歸路遠未曾紅艷已殘秋

泛湖歸舟作

湖流繞徧綠楊城爲喚歸橈自在行
識得晚來烟水苦亂蟲如雨落秋聲

曲曲虹橋記昔遊重來風色易成秋
橋頭忽唱古離別橋下水看流不流

荒隄一派夕陽寒畫出湖天十里寬
牛是倒騎船倒走閒中著得幾人看

漁舍蕭蕭唱竹枝門前閒冷費支持
釣絲盡日無魚上惆悵蜻蜓立少時

波光料理到荭花
埜色柴門幾處斜
不信白鷗真睡著
滿身風露傍汀沙

幽蘭谷裏背人芳，叢桂山中獨自香。不是芙蓉臨水種，有誰抵死拒秋霜。

秋蟲嘆

秋蟲爾何悲，出吻成清商。牆陰不十步，聞此風露涼。秋氣得未多，秋心殊已傷。一葉有先落，百草無後芳。自顧生質微，無力回嚴霜。振羽憐莎雞，奮斧怒螳螂。徒然鳴不平，金鐵入寸腸。瑱碎各有託，端緒安可詳。無由致宛轉，聊復成激昂。所苦流音哀，節短不得長。願言附皋鶴，庭前引脩吭。

寂坐示蓮裳

寂寂空庭百感生，絺衣小坐到更深。更牆陰歛晚花無語，屋角先秋樹有聲。風露暑如人黯淡，星河偏向客分明。閒雲

去住須商畧目斷高寒是玉京

乞巧詩

嫁衣製盡秋風老十年不乞閨中巧
朝來有客學柳州攜我乞巧登江樓
江城絲價今年熟共說天孫天巧足
女無餘巧巧與郎高低田旱憂服箱
銀河可瀉石可爛郎在天邊應獨嘆
何如世上畊田兒一生巧拙百不知

秋夜過後園

秋夢了不記秋園立幾時露花香自在
風竹影相思漏下蟬心覺雲行鶴背知
夜烏棲不定辛苦最高枝

萊州綠石笛歌爲蓮裳作

綠珠吹笛樓頭墮玉骨千年聲入破
雌鳳別鶴一時愁

羽雙雙山中過樂生昨自萊州還碧筒吹下蓬萊山路逢
帝子訴哀怨竹枝落盡瀟湘斑君言笛工初琢此海苔蒼
蒼石齒齒老蛟人立奪不成一綠寒潭泣龍子洞然七孔
排七星二十八宿敲冬丁手攜橫玉叫空去蜃煙蜃雨無
邊青牙琴久斷青天上眼冷人間幾風浪孤舟唱出望江
南十步清溪爲惆悵昭華之瑤仙書名此笛淪落今銷聲
洞簫一賦宮中記此笛甘從道旁棄伶倫去後無笛師勸
君莫向尊前持白雲歌謠紫雲曲此音此節誰當知笛兮
爾亦傷心骨不獨悲筵會流血將軍猿臂倘飛來吹落關
山古明月

見手植柳者

風前青眼可曾真分得春泥太苦辛待爾長條終有日不知繫馬是何人

題姜氏藝圃圖與毅先生所寄居也

九死孤臣昔叩關此中遷徙亦君恩百年苦節留兄弟一畝閒園到子孫剪草我來尋白社種瓜人去說青門荒寒水石非無主手拂生綃與細論

射虎圖

彎弓未肯挂扶桑飲羽來尋亂石岡可惜山南好身手不教天上射貪狼

飛蝗嘆

飛蝗來爭渡河渡河猶可渡江奈何江田苦旱禾不多飛

蝗來當食禾一解蝗食禾蔽官路請官捕蝗得官怒官言蝗

不食禾蝗罪不當捕蝗食民間禾官食民間賦飛蝗來官

不顧二解呼官官不謦呼蝗蝗不聞願爲飛蝗不願爲民嗟

嗟蒼天不仁三解蒼天則仁蝗上天飛蝗苦飽民苦饑蝗饑

渡河飽且歸嗟嗟饑民何所依願爲飛蝗今天不知四解

官搜鹽

江船橫關截樓櫓官來搜鹽擊官鼓搜鹽但恐鹽不多私
鹽搜多官奈何搜鹽奉官官橫絕鹽快相看驚失色昔年
搜鹽鹽快驕今年搜鹽鹽戶逃道逢鹽戶勸勿苦地不生
鹽成樂土

答熊介茲儀部卽送其回粵西

人海逢君記往年玉堂清望是神仙
曹騰舊夢尋天上錯落新詩照眼前
萬里投家愁瘴海一官表墓痛隄歸舟
不是尋常泊夜夜濤聲落枕邊

師友風期負昔盟不才如我欲逃名
山中草木非忘世地上沙蟲已厭兵
去鴈極天心北向飛鳶跼水路南征
江樓一送孤帆後嶺表停雲百感生

雜詩

浮雲互倏忽日在高樓旁樓高不可極
欲上愁徬徨我思遠莫致所感輒莽蒼
景光亦已變時運安能常胸中有車輪
繞屋成羊腸

大河淡秋空牛女隔修阻夜深煙浪濶
飄泊迷處所衆星

不分明月落漸可數迢迢高寒極風露下秋圃匏瓜不能
語豈識天上苦

東園一畝竹昔比渭川勝秋來日以稀無復仰修篁園師
空嘆息坐待地力盡屋破當補羅籬穿貴編槿點綴夫何
爲閒花滿燕徑

槐病乃得癭桂老自生蠹元氣中已空枝葉望如故地闢
將雷霆天高尙風露當年種樹力根本豈不固咄咄尋斧
人徘徊在中路

一雨沒洲渚遂成鼃黿鄉苦旱未十日田中復生蝗生死
固物理治之要有方滅物與齊物斯言由老莊達觀豈其
難天意倘所傷

庭前梧桐樹中有萬古秋枝條弄悽響竟夕風颭颭蟲聲
聚其根宿鳥不敢留但守一寸枯豈忘百尺修已矣伐琴
瑟隔生焉所酬

摘瓜勿摘蔓蔓斷瓜傷心采蘭勿采葉葉折花難任人生
非異族一體終相辨如何氣類感動輒成商參請聽雍門
彈涕淚沾余襟

寄史恒齋學博興化

海國荒荒起暮砧思君江館發高吟書中舊雨封蕉葉卷
裏悲風動竹林謂令叔竹圃先生投老螯鹽酬宦味散場絲竹變
哀音無端觸撥閑身世北斗闌干夜夜心

流雲一首寄山中故人

流雲興風俱不放好月閒將心寄縹緲所至非人閒美人
路迢迢日夕安所攀樊輿一綿邈清光互循環以我地上
影見君天際顏英英化成水蕩漾不復還前期但煙霧昨
夢猶閒關朝來倘相遇不定吳中山

中元夕作

天風卷秋河雲月蕩空想露草團圞婪姿風林弄修響庭虛
亂螢入砌冷陰蟲長鬼火隔牆多蒿燈自來往

飛蛾

燈下莫救蛾救蛾火傷手火滅燈復然蛾死亦已久前生
爾作繭衆巧乃爾有如何忽愚暗得報倘非偶附焰勢固
宜爭光質良醜物化因物付此理仁者剖爾蛾勿再飛掩

燈思卻走

見蟻食秋蟲有作

秋蟲處牆隙所得閒莓苔羣螳來食之悼此弱羽摧微物
互生滅非分斯爲災一蟲心已傷萬蟲爲之哀鳥過不敢
啄空中但裊裊氣機有顛倒大往當小來槐柯一朝盡看
爾紛紛回

寄懷寶谷丈淮上

便有離情似遠遊江城十日爲登樓百年世事勞迎送幾
輩官身係去留聽說泊書還達且可能籌策爲防秋澄清
正賴羣公力莫信黃河是濁流

曉聽聞雅聲

西風一樹曉雅爭懊惱
羈人夢不成手製彈丸三百箇
春來可惜打流鶯

戲贈錢獻之

錢精小學工篆書右手廢輒用左書尤妙

此手右軍少古文今絕倫
久虛名下席閒徂座中身冷矣
成殘客高歌得半人持螯真不負
笑倒促花茵

秋夜志感時將歸里兼示同人

不定鐘聲到枕邊
樓臺入夜竟如年
愁禁碧樹初寒後
淚盡丹楓未老前
萬念總由蠶自縛
一生惟有蠹相憐
世間無復閑田地
要伴龍畊海上烟

平叔招同山館看桂作

秋嵐盡澹黃
渙此夕陽皺
風前幾叢桂
零落半荒蕪
孫登

招隱來攜我入巖岫孤香成斷續一雨隔今舊酒人寒可
憐風色滿衫袖茶貪石髓綠泉怯井華繡古愁方零星小
住忽憊憊霜紅鴈來前葉落蟬去後明日蒼苔深相思故
山瘦

中秋後一夕獨步故園悵然賦此

園過中秋月可憐清輝却合照愁眠碧天無語又今夕紅
樹笑人非少年大好湖山偏似客最高樓閣只宜仙故園
豈是尋常住一山闌干一惘然

山夜

風露濕涼夜獨遊巖洞陰潭空綠無底破月如瓜沉山鬼
幽脩來一笑寒衣襟裊裊泣啼眼古竹搖傷心泉聲不成

答感此絃余樂

此日足可惜五章別里門

此日足可惜弟妹繞故廬秋燈話疇曩時復牽母裾歡無
十日足樂可百歲餘門前卽天涯安得行者居昔羨梨栗
爭今思藜藿俱一飽豈非分饑來空自驅

此日足可惜故人在栗里招邀及壺觴跌宕到軒几會少
悟昨非談深覺今有悠悠各行路此意識者幾爲蒼當一
山爲萍當一水山水有時窮誰能別離此

此日足可惜登樓理書簾父書吾失守兒輩乃廢讀竹素
猶古香丹鉛已塵錄秦灰厯小劫風日苦難曝蠹魚仙不
成倉頡鬼應哭已矣邊孝先今生負吾腹

此日足可惜故園叢桂時丹心與綠意十載空所思
知爲誰花葉常參差榮華良可念憔悴豈所期山石自有
根山木自有枝何年遂招隱請誦淮南詩

此日足可惜秋山當戶庭一別動隔歲山眼爲我青昔我
手植松其下成茯苓朝餐半空綠暮飲泉清冷去志忽天
遠前遊如夢經船頭笑相揖悵望勞山靈

出郭

新鴈落空濶一枝烟櫓來人聲隨市遠水氣抱城迴短髮
踈於柳生衣冷過苔片帆知我意欲挂重徘徊

舟夜夢中得雙星別語十四字足成之

江岸扁舟風露淒六更蛙亂五更鷄雙星別語聽不得天

上河聲流向西

京江距城南十數里有蓮花洞地多秋海棠花時山谷皆徧俗稱爲海棠山

蓮根剪斷情天碧淚點空拋望夫石仙風吹下四山花百尺燕支葬秋色綠苔如髮不可攀小姑日日積烟鬟拾殘暮雨翠千頃暈入朝霞紅一彎玉環春睡何曾醒小立香魂啼半嶺滿地寒蟬訴上天碧城愁鎖闌千影一國傾來爲海棠錦城不羨蜀中妝無人收拾丹青譜滴酒秋巖話斷腸

林下二髯歌爲梅泉萬丈作

雲中五老不可呼扁舟江上來髯蘇雙髯飄蕭入圖畫畫

裏驚看二髯亞一髯手握如意譚一髯對坐來開函語言
斷處文字沒落落意與孤雲參長松如人學髯嘯髯比松
年覺髯少山中回首憶生平落日悲風盡奇峭烏臺獄底
交忘年有髯如此真神仙一髯歸來一髯迂白髮雙垂此
林下弟兄種樹皆成林百七十歲分光陰與髯舊識古明
月明月非古髯非今二髯無言足天趣中有泉聲當長句
先生一笑掀髯噉手卷橫圖入山去

梅峯丈屬題東齋課讀圖

展卷先慚兩鬢斑公年倍我尙童顏便思竹屨尋秋去重
憶荷衣入學還燈火青來猶子舍夕陽紅好是家山當時
幾許東齋伴詩家成林待手刪

渡揚子江時聞西師盡撤舟中志喜兼寄陝蜀故人
閒來一笑對沙鷗身世渾隨大地浮入定烟鐘江寺夕防
邊畫角海門秋千年城郭蟠龍虎八月星河貫斗牛極目
金焦真砥柱滄波不信有橫流

邊烽十載役征魂聽說還朝萬馬屯籌筆可能無將畧荷
鋤端自賴君恩轉輸力盡空南國鎖鑰風高重北門從
此江行慰蕭颯挂弓天外看朝暾

蓮裳以五仄體見懷戲用五平五仄體答之

秋河橫寥天落葉忽在地思君如江湖一日一沙至
桂樹倚絕壑丹心風吹之贈我獨不見還君長相思

洞庭龍女曲題祁生傳奇

湘絃調冰切龍語天外風吹洞庭雨湖心風雨日日顛妾
身植柳姓在天朝霞東升撇波戲騎魚歸來笑魚婢隔牕
冰人影如織鮫綃上機不成匹雌聲夜咽吟寒簀龍宮新
迎白石郎盤中淚圓玉壺小抱珠一雙眠不曉空簾低挂
蟾蜍鉤鰕鬚卷天海倒流龍涎滿堂照龍燭長蛾出門掃
煙綠年年龍王嫁女哭四月十九終君曲

題蘭皋圖卷後兼寄李安之

玉臺艷說此才名小住東風記滬城海上仙山無一面卷
中芳草識三生從來空谷寒難倚是處高樓暝易成吹斷
碧簫秋路遠有人天際寫離聲

生來詩骨稱珊珊投我明珠照眼還消得雲烟供恨海洗

空粉黛見名山琴聲冷澹須心賞花格矜嚴要手刪還羨
唱隨新句好玲瓏譜出玉聯環

送松厓元丈歸肝江

我愛元魯山眉宇映空碧一官塵外歸蕭散到巾幘我愛
元次山忠愛不負職雲山聽韶濩消此漫翁癖我公真替
人鸞鶴共標格飄然來揚州官閣數晨夕座中有公至傾
倒失主客忘形可無語語輒透肝膈有時招我飲一飲毋
戰百恍如投醪醪令我頌酒德昨者視我病告我歸期迫
我病不得送相對轉悽惻公居肝水陽聞是神仙宅麻姑
青盤盤山色在几席公精和緩理幸弗爲形役哀樂保厥
初童顏返腴澤有雲駐景光有水悅魂魄行騎葛陂杖坐

叱金華石誓當從公遊
洪崖笑堪拍

病瘧戲作

雨鐙搖搖昏一枝
風牕兀兀飄千絲
安於我太相逼潮
汐到人殊自知
元結何勞木客訟
杜陵幸有花卿詩
朝來莫被叢菊笑
左手且索霜螯持

送賈谷文報最入都

江左風千古淮陽治十年
桓寬餘漢論傳說是商賢
直道公私得孤懷去住憐
臨行無別贈清白好朝天
轉輓勞南國年來鬢有霜
度支民力絀平準治才妨
主貺原優渥官身漫激昂
此行期自愛辛苦佇封疆

雨夜望甌社湖

明月將珠去推篷雨一湖人家分浦溆蟹火落菰蒲浪急
魚爭立風高鴈亂呼築隄民力盡况乃吏催租

九月十七日雨中集文游臺再送賓谷丈北上

文游人往七百春風流苦憶晁與秦一堆沙礫數椽瓦無
臺豈止臺無人老僧前行指初地古人不來古佛替石砌
空沿科斗書土牆但濕魚鰕氣是時湖雨兼湖風人家十
里烟冥濛天開清景特奇絕著我如在仙壺中淮流此處
分南北只有天光渾不隔渚雲沙鳥儘徘徊送盡年時舊
賓客眼前主客苦不分我公乃作臺前賓青袍入座我無
色綵筆干天公有神漁榔瀟瀟響烟浦一鴈飛來促鳴榔
請公高歌爲公舞茲遊茲文倘千古

芸臺中丞入覲南旋呈贈四十韻

淮海精靈在河山保障成槎橫燕樹色鼓應浙潮聲海甸
存清議朝端佇鉅卿九天書一笏八極望雙旌往者唐虞
禪紛看田寶更羣流波靡靡此柱鏤錚錚遂有封圻託能
攄社稷誠溫言承北闕治績最西京棘蔓多方絕苞苴
一體清問牛關利害去馬酌虛盈令霜萑苻澤威高細柳
營自然除劇盜都已息疲氓昨述諸侯職因通聖主情
策勲秋獮奏喜起夏書賡圖畫流民入輶軒善俗呈簪惟
容璟表鑑欲借徵評準式懸唐格匡扶作魯楹升猷方畢
召晉業定韋平羽檄傳新捷饒歌返遠征橐弓從息戰賈
劍許歸畊米價今年貴軍儲此路傾脂膏猶墨吏水旱奈

蒼生公是勝來畧民同冠去爭卽看鴻渚復猶抱雉羅驚
廬舍安非易藩籬補要精目張收巨網綦布覆前枰庇士
方千厦藏書更百城嘉謨眞贊贊舊說莫鏗鏗運掌須經
術羅胸儘甲兵雄文驅怪鱷健句掣長鯨氣合扶頽喪功
還費拄撐孤懷能盡瘁一德此休明賤子邀殊矚宗風拜
主盟執鞭思手御倒屣荷躬迎作客憂王粲求人厭爾衡
才踈甘散櫟親老戀柴荆師友慚投綯江湖夢請纓傭書
過盛世磨硯笑浮名踴躍金何語沉埋劍一鳴小言徒
感激未敢涕縱橫

古詩十章壽王述菴先生八十

更生青藜杖東方綠玉編榮名固所貴位業苦不全古來

壽耆相託命真靈先堂堂十州督飄飄三島仙

舉陶古才子帝用服五刑蕭何律後起其本非六經和平

視所學國體在大廷手持補袞絲黼黻皆丹青

朝賜賀監湖夕上范蠡舟功成身自退豈傲公與侯全家

三泖間日與漁者謀誰知樂魚樂卽是憂民憂

公才真寶山細入同披沙詩文有初祖不自名其家源清

流弗靡根厚枝自華新城與望溪看公高樹牙

燕然勒漢績韓碑記唐功下馬草露布此事須英雄公有

諭蜀文讀之愈頭風書生動投筆何術能從戎

杜陵履萬間避雨乃茆屋一念能庇寒已造多士福風雅

託友朋性命實相厲結交淡如水說士甘於肉